

寶應縣志卷八

武備志

操防

揚州為江北一都會秦以廣陵縣屬九江郡郡置尉以典武職甲卒武備始見於書策歷代以其地控江淮皆鎮以親王重臣而分屯客兵於所屬邑明嘉靖間倭患日熾始設有參將守備等官清順治初年建立揚州營隸狼山鎮標寶應城守尚隸縣捕官八年揚州營撥兵二十名駐防縣城庫獄康熙五年設寶應城守汛調揚州營把總官一員馬步兵五十名駐防分派塘汛一十

寶應縣志

卷八 操防

武備志

四所

內安設縣城庫獄步兵七名五門禁步兵十名水關步兵一名南門外安平驛塘堡馬兵五名巡湖步兵五名宏濟橋步兵五名劉家堡步兵二名汜水

鎮步兵五名黃浦步兵五名

一二十五年添兵三十名分派塘汛七所

內安設南門外

塘馬兵三名劉家堡步兵三名宏濟橋東鄉共步兵十六名西湖巡兵十八名汜水鎮步兵五名七甲橋步兵三名黃浦步兵六名其餘官兵存城操防

四十

等年續添塘汛三所

時撤宏濟橋湖西兵丁添設龍王廟步兵五名北門汛步兵五名八淺步兵五名

五十

等年續添塘汛二所

小瓦甸步兵二名南門外京塘步兵二名

雍正二年設衡陽

鎮汛調揚州營千總官一員馬步兵三十名並撥泗州

營步兵二十名駐防巡緝湖西私鹽七年添城守外委

千總一員九年裁汜水汛北門外二京塘守兵四名乾

隆七年奉文衡陽汛兼巡緝盱眙湖下寺一帶私鹽嘉

慶十一年以揚營改隸漕標仍歸狼山鎮兼轄十四年

以寶應為北來首汛地方緊要差務繁雜將衡陽汛千

總改駐寶應城守汛以寶應把總改駐衡汛緝私今案劉贊勳志

辨論指其非宜十八年改隸兩江督標仍屬狼山鎮兼轄寶應添

兵二十名道光四年泗州營貼防衡陽汛緝私兵丁二

十名撤回是年添設額外外委把總一員九年准兵部

議覆衡陽汛與寶應汛劃界分防先是移調揚泗二營官兵專巡陸路之衡羨莊磨旗墩黎城鎮

時安莊汜西莊白水塘丁零莊瓜山廟蘆臺潤傅寺廟各地汛防仍隸寶應汛轄至是劃界地方責任亦並歸焉衡陽塘撥附汛黎城鎮撥在汛東二十里以

衡陽汛把總帶兵二十五名分駐觀音寺後改派額外

常駐外委帶兵十五名分駐黎城鎮後改駐仁和集西

岸以下湖西一帶村莊有盜竊案件歸衡陽汛專管承

緝西岸以上及運河一帶東南北三鄉歸寶應汛專管

承緝湖西盡屬水鄉官兵巡緝非舟莫濟經鹽運司議

照各營僱船巡緝之例運庫給價僱船駕巡道光志至宣

統末年舊例不改

揚州營寶應汛岸汛在哨千總一員協防在哨外委千

總一員額外外委把總一員馬兵百總一名弓箭管隊

步兵一名烏鎗管隊步兵一名紅旗步兵一名塘撥馬

兵二名字識步兵二名留揚抵撥步兵一名差操馬兵

四名步兵三十八名右共存城兵五十一名今案原設城守把總後與衡陽對調改千總雍正七年添外委千總一員並無

額外外委把總缺至衡陽原設千總後改把總道光四年添設額外外委把總屬衡陽汛並不屬寶應城守汛原志疑誤堆汛五所每處

於存城兵內派撥一名協同捕保巡查縣前舖學前舖
中街舖仲家舖通湖舖墩塘小汛八所七里牖汜水鎮
瓦甸劉家堡龍王廟北門外黨軍樓八淺黃浦每一汛
步兵五名哨船一隻右共防汛兵四十名以上額設官三員馬戰兵
七名步戰兵十一名守兵七十三名沿塘巡哨船八隻
官坐馬二匹兵戰馬九匹外委額外坐馬在內道光志
今案新徵

稿誌城守千總一員外委一員即志所誌協防兩缺其汜水額外一員當是額
外外委把總一缺但不知何年派防想與槐樓司移駐汜水時相先後未敢臆斷至
射陽額外一員亦未詳道光何年設置而兵額一哨馬兵十三名箭兵二十六名守
兵五十一名數目惟五十一名合志原記賊兵總數又係合馬弓箭烏鎗旗步塘撥
字識留揚差操而言其馬兵十三箭兵二十六當是統隸於兵額一哨之內又不知
何時始編迨同治六年調防改編新軍營馬兵八名箭兵十六名守兵二十六名光
緒三十二年裁兵二十名遂
為定額宣統末營制盡改

衡陽汛崑汛右哨三司把總一員協防右哨外委把總
一員弓箭管隊步兵一名烏鎗管隊步兵一名紅旗步
兵一名字識步兵一名留揚抵撥步兵一名操巡步兵
三十五名巡船四隻官坐馬二匹戰馬一匹卽外委坐
馬未設墩塘道光志 今案志原載崑汛設防把總外委二員把總帶兵
二十五名分駐觀音寺外委帶兵二十五名分駐黎城鎮新徵
稿記衡陽把總一員仁和集外委一員觀音寺額外一員亦未詳添設額外移駐分
防年分當是後來增調但兵額四十名照舊未加必是量撥分防耳迨同治六年亦
以調防改編調二十四名光緒三十
三年裁兵十名宣統末營制盡改

寶應縣汛東至射陽湖中流九十里抵鹽城營沙溝汛
界西至運河湖隄抵衡陽汛界南至界首鎮北五十五
里抵本營高郵州汛界北至涇河牖二十五里抵淮安

營涇河汎界廣九十里袤八十里 七里牖墩在汎南
五十里東至揚胎溝九十里抵鹽城營汎界西至湖堤
抵衡陽汎界南至界首北圈門南五里抵高郵界首汎
界北至杠橋莊北五里抵汜水汎界崙管白堊莊杠橋
莊柘溝莊兔避莊 汜水鎮墩在汎南四十里東至堊
田莊八十里抵鹽城營汎界西至湖堤抵衡陽汎界南
至杠橋莊五里抵七里牖汎界北至大瓦甸五里抵小
瓦甸汎界槐樓巡檢司移駐本鎮兼資彈壓崙管蘭亭
莊大官莊相家莊汜水鎮 小瓦甸墩在汎南三十里
東至陶家林四十五里汜水汎界西至湖堤抵衡陽汎
界南至大瓦甸五里抵汜水汎界北至朱馬灣五里抵
劉家堡汎界崙管獐獅蕩瓦甸莊小官莊 劉家堡墩
在汎南二十里東至沙子頭五十里抵鹽城營汎界西
至湖堤抵衡陽汎界南至朱馬灣五里抵小瓦甸汎界
北至槐樓鎮五里抵龍王廟汎界崙管蜆蠓莊槐樓莊
蘆村莊 龍王廟墩在汎南一十里東至天平莊七十
里抵鹽城營汎界西至湖堤抵衡陽汎界南至槐樓鎮
五里抵劉家堡汎界北至白田舖五里抵北門汎界崙
管草積莊瓦溝溪下家灣 北門撫軍樓墩在汎北一
里東至高夏莊七十里抵鹽城營汎界西至湖堤抵衡

陽汎界南至白田舖五里抵龍王廟汎界北至五里溝
五里抵八淺汎界崙管通義舖鎮湖舖南湖舖北湖舖
天平莊松袁莊軍師莊 八淺墩在汎北一十里東至
吉小塋三十里抵淮安營汎界西至湖隄抵衡陽汎界
南至五里溝五里抵北門汎界北至王家舍五里抵黃
浦汎界崙管決溪莊殷黃臺 黃浦鎮墩在汎北二十
里東至南窰七十里抵淮安營汎界西至湖隄抵衡陽
汎界南至王家舍五里抵八淺汎界北至涇河五里抵
淮安營戴家灣汎界崙管射陽莊龍首村 縣前舖堆
在汎西兼防西門 學前舖堆在汎西南兼防小南門

中街舖堆在汎南兼防南門 仲家舖堆在汎東南

兼防東門 通湖舖堆在汎東北兼防北門 按城內五舖仲家舖在城正東

中街舖在城東南學前舖在城西南自縣橋南至南門屬通湖舖西門至城東北一帶皆屬縣前舖與揚州營志所載不同 衡陽汎東至

漕河西堤一百五里抵寶應汎界西至雲山二十五里

抵泗州營汎界南至王家小村六十二里抵水北汎界

北至新集南甸一十八里抵淮安營汎界廣一百三十

里袤八十里 道光志 今攷劉志辨云衡陽汎舊制千總一員信地東西一百三十里南北九十里志載東西里數吻合而南北里數合計

止八十里與志辨所云南北九十里地包大湖爲老子山大屋基等處水陸賊匪之淵藪未知孰是 俸銀餉銀例支有定

千總例支二戰 馬戰兵月支銀二兩五分米三斗 步戰兵月支銀一兩五錢米三斗 三守歲共餉米

折銀七十八兩七錢五分本色米九担把總例支一戰

三守歲共折銀五十九兩四錢米七担二斗外委千總
例支一戰歲共折銀十九兩三錢五分米一担八斗外
委把總例支一守守兵餉銀一兩米三斗歲共折銀十三兩三錢五
分米一担八斗教場原在東門外康熙間知縣徐璉溝
查地基南北五十五丈五尺東西二十三丈五尺雍正
四年改建先農壇移教場於北門外河堤上其地僅容
騎射後爲武童縣試騎射地至光緒末縣試停而地亦
曠向例會哨日期每月定初二二十二二十二日寶應汛
地北則與涇河營汛官兵在戴家灣西則與衡陽汛官
兵在漕河堤南則與高郵州汛官兵在界首鎮衡陽汛
寶應縣志 卷八 操防 六 一武備志

修防

河營武職自康熙十七年總河靳輔請設江南河兵八
營罷淮揚徐隄淺夫此河營所自昉也寶應縣設把總
一員所管運河汛地自黃浦起至劉家堡止又設外委
協防一員道光志僅載協防額外外委把總官一員茲依新徵稿添記一缺備考經制効用二名百
總四名戰守兵一百五名每年額採兵草一萬一千二
百四十束兵柳四千七百三十束例積土一千二百三

十方堡房二十間堡夫四十名額積土二千四百方同治二年改編營制戰守兵丁七十五名設黃浦鎮八淺鎮北城外白田鋪營房各一所堡兵房共計四所堡房共計二十所東隄計六千五百八十六丈五尺計程三十六里五分零隄頂牽寬一丈五尺至二丈五尺三丈不等底牽寬七八丈至九丈不等牽高一丈至一二三尺不等西隄計長六千五百八十四丈五尺以內計程四十里向歸揚河同知暨高寶營守備管轄同治三年撥歸揚軍河務同知十年改隸淮軍通判管轄又把總官一員所管運河汎地自劉家堡起至界首鎮高郵交界止額設經制効用二名百總四名戰守兵丁八十六名每年額採兵草一萬一千二十束兵柳二千九百七十束例積土一千一百八十五方堡房二十間堡夫四十名額積土二千四百方所隸管轄與寶應汎同

驛遞

明洪武八年知縣戚順建鋪舍九座二十一年知縣康紹定重修每鋪正房三間左右廂房各三間郵亭一間縣治前爲總鋪北十里爲白馬鋪二十里爲黃浦鋪縣南十里爲白田鋪二十里爲槐樓鋪三十里爲瓦甸鋪四十里爲汜水鋪五十里爲杠橋鋪六十里爲子嬰鋪

道光志記以上舖舍圯廢已久當時惟有營制墩塘小
汛八所每十里建營房三間牌坊一座望樓一座煙墩
五座今營制改已無復尋問河營每二里半小堡房一
座每五里大堡房一座與營房相參今尙見運河東隄
上間有矮屋泥牆書某段某汛字殆卽河營堡房遺址
歟至郵亭更無可攷惟道光志記營制塘汛一十四所
南門外有安平驛塘堡馬兵五名或卽郵亭之舊但大
縣署稅房舊有棨戟遙臨木坊今僅房兩間尙在若驛
站則有二處專備馬遞官文之用一在界首西首曰泥
甸鎮置驛養馬若干匹爲高郵寶應腰站一在縣署西
偏榜曰安平驛道光志記南門外有安
平驛何時移置無可攷內朝南屋三間祀馬神
外三間爲馬夫息所東西兩房排列馬槽可養馬數十
匹歸縣署派一紀綱主其事光緒末年改郵政而驛站
以裁房屋盡收入縣署泥甸驛亦同時裁